

سنه لکي در سعادت ايچون مجديه  
يکرمي غروش حسابيله الشمس  
غروشدر

طشمره ايچون پوسته اجرتي اوله رق  
اون بش غروش ضم اولنور

نسخه سي ٤٠ پاره در

# محرکات و نشریات

آبونه اولمق ایستینلر دائره عدلیه ده  
اداره مخصوصه سنه مراجعت  
ایملیدر

اعلاناتک بهرندن بر مجديه اخذ  
ایدلور

نسخه سي ٤٠ پاره در

هفته ده ايکي دفعه جمعه ايرتسي و چهارشنبه کونلری نشر اولنور. محتوياتی امور عدلیه متعلقدر

## تَبْلِیغات

بور دورک (اورته لق) نام میری اورمانندن اشجار  
قطع ایدن معلوم الاسامی کسان حقلرنده بور دور  
سینجانی بدایت محکمه سی جزا دائره سندن اعطا قنوب  
استیناف ایدیلان اعلامک انسانی تدقیقه اورمان  
مأمورینک حاضر بولندیرلمسی ایچون اداره نک خبردار  
ایلمسی طلب اولمشیکن اخبار کیفیت ایدلنکسین  
غیا با حکم ویرلیدی قونی ولایتی اورمان سر مفتشکلندن  
بیادیرلمش و معامله واقعه ایسه حقوق خزینه نک  
ضیاعی مستلزم بولنش اولدیغندن بخله بعدما استیناف  
محکمه لرنده رؤیت اوله حق اورمان دعوالرینک اجرای  
محاکمه سنده دخی اورمان مفتش و مأمورلرینه جلبنامه  
تبلیغیه دعوانک آنلرک حضوریه تدقیق ایدیرلمسه  
دائر تبلیغات اجرایی حقه در ارمان و معادن نظارت  
جلیله سندن وارد اولان تذکره اوزرینه، اورمانلره  
متعلق جنحه دعوالرنده اورمان محافظه مأمور  
و مفتش لرینک و غیا بلری حالده قوروجی باشیلرینک  
حضور محکمه ده اقامه دعوايه صلاحیتلری اصول  
محاکمات جزائیه قانوننک یوز یتیش دردنچی ماده سنک  
فقره ثانیه سی اقتضاسندن بولمنسه کوره اورمانه متعلق  
اوله رق محاکمه رؤیت اوله حق دعاویده اورمان  
مأمورلری حاضر بولنق اوزره کندولرینه جلبنامه  
تبلیغیه یوم محاکمه دن خبردار ایدلمسی اقتضا ایده.  
جکندن اولوجهله ایفای معامله اولمنسی لزومی انجمن  
عدلیه افاده سیله قونی ولایتی استیناف محکمه سی  
مدعی عمومیلکنه تبلیغ و اشعار قلمشدر.

## محاکمات و مقررات

در سعادت جنایت محکمه سنه:

ارباب فساددن اولدیغی و مقدا بصره  
پوسته و تلغراف مدیری ایکن فرار ایله بومبایه  
واورادن دخی اسکندریه یه کیدرک فساد آمیز

حرکات و نشریاتده بولندیغی ادعاسیله متهم اولان  
لطیفی آلان در دست اولنه مامش اولدیغندن  
تاریخندن اعتبار آجانب ریاستدن کندوسنه اون کون  
مهمل اعطا قلمشدر مهمل معین ظرفنده کلدیکی  
حالده قانونه اطاعت ایتماش نظریله باقیله رق  
حقوق مدنیه دن اسقاط قلمه جنی و علیهنده  
دعوايه قیام اولنه جنی و محاکمه غیا به سی اثناده  
مالنک حجز آلتنه انه جنی و بوسرده بر کونه  
ادعایه حق اوله میه جنی و بالجمله ضابطه عدلیه  
مأمورلرینک کندوسنی طوققه مجبور بولند قلمری  
کی معامله حجزیه حقه دخی مدعی عمومیلکه  
تبلیغات مقتضیه اجرا ایدلیدی جهتله اصول  
محاکمات جزائیه قانوننک اوچوز یتیش برنجی  
و اوچوز یتیش ایکنجی ماده لرندن استنباط  
اولان احکامه توفیقاً اشبو قرار نامه بالتتظیم  
اعلان اولنور.

محمدی قتل ایدلکری ادعاسیله مظنون اولان  
حاجی محمدک جنایتله اتهامه و صالحک منع محاکمه سنه  
دائر آیدین ولایتی هیئت اتهامیه سندن تنظیم و اعطا  
اولان مضبوطنک منع محاکمه دائره اولان جهتک  
تمیزی حقه ولایت مذکوره استیناف محکمه سی  
مدعی عمومیلکندن ویریلان استدعا نامه ایله اوراق  
منفرعه سی تدقیق اولندقدده بومثللو منع محاکمه  
قرارلری اصول محاکمات جزائیه قانوننک اوچوز  
یکرمی ایکنجی ماده سنده قابل تمیز اولمق اوزره بیان  
وتعداد اولان احکام قطعیه دن بولنامسنه مبنی استدعای  
مذکورک ردینه محکمه تمیز استدعا دائره سنجه قرار  
ویرلمشدر.

محمد علینک اشیاسنی سرقت ایتسندن طولای

جنایتله اتهام اولان بالاک ایکی سنه مدته حبسنه  
دائر آیدین سینجانی بدایت محکمه سی جزا دائره سندن  
ویریلان اعلامک تمیزی حقه مرقوم بلال طرفندن  
اعطا و محکمه مذکوره مدعی عمومی معاونلکندن  
اسرا قلنسان عرفحال ایله اوراق منفرعه سی تدقیق  
اولندقدده مرقومک شرائط تمیزی جمله سندن اولان  
بش لیرا جزای تقدی بی ایضا ایتدیکنسه و یا خود  
اقتداری اولدیغنه دائر مرجع رسمیسندن مصدق  
شهادتنامه بی استحصال و اعطا ایتدیکی وشو حالده  
اصول محاکمات جزائیه قانوننک اوچوز یکرمی  
بشنجی و اوچوز یکرمی آلتنجی ماده لری احکامنک  
اجراسز قالدیغی اکلاشلمش اولغله عرفحال مذکورک  
ردینه محکمه تمیز استدعا دائره سنجه قرار ویرلمشدر.

ارجیس قضاسنه تابع حیدر بک قریه سندن سلیمان  
اوغلی عثمانک خانه سنده واقع آخورینه دخول ایله  
حیوان سرقت ایدیدی ادعا اولمنسندن دولای جنایتله  
اتهام اولان عثمان بن عیسانک اوچ سنه مدته کورکه  
قونلسنه دائر وان ولایتی استیناف محکمه سی جزا  
دائره سندن ویریلان یوز طقسان نومرولو اعلام محکمه  
تمیز جزا دائره سنجه تصدیق ایدلمشدر.

اسپر قضاسنک نورکاح قریه سی اهالیسندن طونکوز  
اوغلی و یسلک کیفیت قتلندن دولای جنایتله اتهام اولان  
مرقوم و یسلک اوکی اوغلی محمدک اون بش سنه  
مدته کورکه قونلسنه دائر ارضروم ولایتی استیناف  
محکمه سی جزا دائره سندن ویریلان سکسان سکر  
نومرولو اعلام محکمه تمیز جزا دائره سنجه تصدیق  
اولنمشدر.

ارباب شقاویدن اولملرندن دولای جنایتله اتهام  
اولان تکوش قضاسنک و یسان بالا قریه سی اهالیسندن  
طاشو ولد پاوه و قریه مذکورده لی یوان ولد قریسته نک  
بشر سنه مدتلرله کورکه قونلرینه دائر سلانیک  
ولایتی استیناف محکمه سی جزا دائره سندن ویریلان



سکسان درت نومرولو اعلام محکمه تمیز جزا دائره -  
سنجه تصدیق اولمشدر.

طاش کوری قضاسنه تابع یوقاری چشمه قریه لی  
موسی اوغلی احمدک کیفیت قتلندن دولای جنایتله  
اتهام اولسان قریه مذکورلی محمدک اون بش سنه  
مدتله کورکه قولسنه دائر قسطمونی ولایتی استیناف  
محکمه سی جزا دائره سندن وریلان یوز ایکی نومرولی  
اعلام محکمه تمیز جزا دائره سنجه تصدیق ایدلمشدر.

سوکک نک قریل کایسا قریه سندن محمدی جرح  
و قتل ایملرندن دولای جنایتله اتهام اولسان قیومی  
سلیمان اوغلی مصطفایک اون بش و همشیره زاده سی  
محمد بن حسینک اوج سنه مدتله کورکه قولسنه دائر  
آیدین سنجانی بدایت محکمه سی جزا دائره سندن  
ویریلان یتش سکر نومرولی اعلام محکمه تمیز جزا  
دائره سنجه تصدیق ایدلمشدر.

زوجه سی نظیفه یی قتل ایتمسندن دولای جنایتله  
اتهام اولتان چورومک حمام اوزی قره پیکار قریه سندن  
احمد بن سیدینک اون بش سنه مدتله کورکه قولسنه  
دائر چوروم سنجانی بدایت محکمه سی جزا دائره سندن  
ویریلان اون بش نومرولی اعلام محکمه تمیز جزا  
دائره سنجه تصدیق اولمشدر.

آنه قضاسنک اغوان قریه سندن چاوش اوغلی  
عثمان افندی یی قتل قصدیه جرح ایتمسندن دولای  
جنایتله اتهام اولسان قریه مذکورلی چاوش اوغلی  
مصطفایک اوج سنه مدتله کورکه قولسنه دائر لازیتان  
سنجانی بدایت محکمه سی جزا دائره سندن ویریلان  
فرق درت نومرولی اعلام محکمه تمیز جزا دائره سنجه  
تصدیق اولمشدر.

بلواج قضاسنک اشانی قاش قریه سندن مندی  
اوغلی حسن اغانک لیلأ خانه سنه دخول ایدرک نفود  
واشیاسنی سرقه ایلدکری ادعا اولمشندن طولای  
جنایتله اتهام اولتان قریه مذکورده اهلایسندن  
طوباک اسماعیل اوغلی عثمان ورفیق مصطفایک اوچر  
سنه مدتله کورکه قوللریه دائر اسبارنه سنجانی  
بدایت محکمه سی جزا دائره سندن اعطا قنلان بشیوز  
یکری درت نومرولی اعلام محکمه تمیز جزا دائره -  
سنجه تصدیق اولمشدر.

باندومه قضاسنه تابع آیدیحی ناحیه سنک صغوقلی  
قریه سندن محمد بن مصطفای قتل قصدیه جرح ایتمسندن

دولای جنایتله اتهام اولتان قریه مذکورلی حسن بن  
محمدک اوج سنه مدتله کورکه قولسنه دائر قره سی  
سنجانی بدایت محکمه سی جزا دائره سندن ویریلان  
ایکی یوز بدی نومرولی اعلام محکمه تمیز جزا دائره  
سنجه تصدیق اولمشدر.

۶۸ نومرولی نسخه ده مندرج درسعادت  
جنایت محکمه سی اعلامنک مابعدی :

۲۳ مایس سنه ۱۳۱۷ تاریخلی ضابطه عدلیه تقریری  
واطبا دائره سنک ۴ جز بران سنه ۱۳۱۷ و ۷ تشرین ثانی  
سنه ۱۳۱۷ تاریخلی راپورلریله مجروح میخالک عقیب وقعه ده  
ضبط اولتان افاده سی او قوتدیرلد قده مذکور تقریرده :  
اوجیوز اون بدی سنه سی مایسنک یکری ایکنجی  
صالی کیجه سی ساعت اوج راده لرند داریجه ناحیه -  
سنک انالیس محله سی اهلایسندن عرب اوغلی میخالی  
اکسانطوبلو اوغلی پنانو تهلکه لی صورتده جرح  
ایله فرار ایتمسندن مجروح میخالک استجوابنده  
لیله مذکورده خانه سنده یاتمقده ایکن قیوسنک  
اوکنده بر شخصک مغل ناموس بر طاسقم اطاله  
لسانده بولندیقنی ایتمسی بو حالک یارم ساعتدن  
زیاده دوام ایتمی جهته زقاق قیوسی آجوب مرقوم  
پنانوی کورمه که (کیه سولیدورسک ؟) دیمکه مرقوم  
پنانو نام دیگر پناو (سکا سولیدورسک کار خانه یی  
میخال ! ) دیرک بالهجوم صول قاصیغدن بچاقه  
جرح ایدرک فرار ایتمدیکی وجوار قومشورلندن  
وقوعبولان تحقیقنک دخی مجروح مرقومک افاده سی  
مؤید اولدیی اشعار و ۴ جز بران سنه ۱۳۱۷ تاریخلی  
راپورده : عرب اوغلی میخالک صول قرغه حر  
قضیه سنک اوست وقدام طرفنده بطنی اوزرنده بر  
آلت قاطعه اوجیه حاصل عمقی جوف بطنه نافذ درت  
بجق ساتیمترو طولنده بر عدد جرحه واشبو  
جرحه دن معاء رقیه سنک بر مقداری خروج ایلمش  
اولدیی واشبو خروج ایدن معاء قسمنک اوزرنده  
کذلک آلت مذکورده ابله حاصل بر بجق ساتیمترو  
طولنده بر عدد جرحه کورلمش اولمسلیله لازم کلان  
عملیات مهمه اجرا قلندرق تدایوسنه دوام اولدیی  
وحالی تهلکدن بری بولندیقنی ۳۳ تشرین ثانی سنه  
۱۳۱۷ تاریخلی راپورده : شبر اغستوسک ایکنجی کونی  
بر التهاب بریطون حادثه دن خانه سنده وفات ایتمش  
اولان مرقوم میخالک استپالیا خسته خانه سی طرفندن  
تنظیم اولتان راپورده جرحه بطیه سی قیاندندن ایکی  
ماه صکره وفات ایدلکندن بجهله وفاتی موجب اولان  
التهاب بریطون حادثه ده شو جرحه نک بر کونه  
مدخلی اولمدیقنی بیان اولمش ایسه ده التهاب

بریطون حادثه تسمیه اولتان علت مهلهک ضربی و جرحی  
ویا خود ورتی ویا خود بعضی امراض بطیه نتیجه سی  
اولدیی حاده غایت نادر الوقوع بر علت اولدیی  
مطالع اولدیی کی تدریز امعاء ایچون استعمال  
اولسان ضبطک بر پارچه سی درون بطنه قالمسلیله  
ور مدت سوء تأثیری اولمیرق بعده بر خراجیه یی  
موجب اولمسلیله شو التهاب بریطونی حصوله کنوره -  
یله چکی شوبله طورسون جلده واقع اولوب یکی  
قیانان بر جرحه نک بعضاً بر جرحه یی موجب اوله یلیدیکی  
کی امعاء واقع اولمش یقین وقته تدب ایتمش بر  
جرحه نک بالاخره بر التهاب موضعی حصوله  
کنوره نک التهاب بریطون حادثه یه نتیجه بره یله چکی  
نظر دقتسه آلتدقده متوفانک وفاتی موجب اولان  
شو التهاب بریطون حادثه نک سالف الیابن جرحه  
بطیه سنه عطف اولمشی قنأ مأمول قوی ایسه ده  
وقته دن جازنک تشریحی اجرا اولمیشندن بوباید  
قطعیاً حکم اولسه میه جفی ازار قلتمش و مجروحک  
افاده نامه سنده دخی وقعه کیجه سی خانه سنده یاتمقده  
ایکن اکسانطوبلو اوغلی پنانو خانه سنه کلوب کرک  
کندلیسی وکرک قز قزداشی ایچون مغل ناموس سوزل  
سولیکده اولسندن هان قیوسنک اوکنه چقه رقی :  
(ای اوغل ! اوتانمز میسک ؟ ندر بوسوبلیدیکنک  
سوزل ! ) دیمی اوزرینه مرقوم اطاله لسانه دوام  
ایله برابر صول قاصینی اوزرنندن جرح ایله فرار  
ایتمدیکی مندرج بولمشدر.

قرائت اولسان تقریر وراپورلر ایله افاده نامه یه  
قارشو ندره چکی متهم پناو بطن صورتده مرقوم  
میخالک خانه سی قیوسی اوکنه کیتمدیکی و منسازمه  
ایچوب انشته سیله برابر مرقوم کندلیسی ضرب ایتمکری  
واسکیدن مرقومه بر کونه دشمنایکی اولمدیقنی  
و کندوسی فرار ایچوب خوفندن طولای صاقلاندیقنی  
سولیدی .

( مابعدی کله چک نسخه ی )

قره کرکه ساکن سیزه یی دیورکی محمد علی بن  
مصطفایک حسنی به تشهر سلاح ایلدیکی ثابت  
اولمیشندن بر آی حیسنه  
اکری قیوده ساکن احسان بن احمدک صاقانز  
خانی ضرب ایلدیکی تحقیق ایدلکندن اون کون حیسنه  
کوستجه لی عثمان بن علی یی ضرب ایدن منادی  
احمد بن مصطفادن بر آلتون آلتورق مضروبیه اعطاسنه  
غلظه ده چشمه میداننده غالب افندیکنک یاننده  
قهوه یی چراغی صاری کوبلی بانی ولد قوچونک  
قول اغاسی محمد توفیق افندیکنک خانه سندن اشیا سرقت

ایلدیکی ثابت اولمیشندن سکرز آی حیسنه واشیای  
مسروقه نک مومی الیه توفیق افندی یه اعاده وتسلیمنه  
یوزغادلی ابراهیم حق افندی یه اطاله لسان ایدن  
یکی جامعده عرخیجلی عثمان افندیکنک اوج کون حیسنه  
امتعه داخایه کمرکی قولجیلرندن قنر اغای ضرب  
ایدن کوچک ایصوفیه لی یوسف بکک بر هفته حیسنه  
مضارب ایلدیکری اصولاً ثابت اولان قاضی کوی  
غاز قومانیسی قازجیلرندن احمد بن محمد ایله قریه  
مذکورلی شیشه یی قوچو ولد پتروک بر هفته  
حیسلرینه

سیویل پولیس مأمورلرندن نیقولی افندی یه  
اجرای مأموریت حالنده تشهر سلاح ایدن قفسی  
زفاغنده ساکن سرویطور پنانی ولد طومنه نک آلتی  
آی حیسنه

طاطا ولده حاجی احمد محله سنده ساکن برر بانی  
ولد واسلیک اودسیا ولد طناشی جرح ایلدیکی  
اکلاشلدیغندن یکری کون حیسنه  
بکدیگری ضرب ایلدیکری اصولاً ثابت اولان  
خدمتکار خرپوطلی عمر بن حسین ایله غزته موزعی  
طرزونی محمد واسکدارده ساکن صالحک بر هفته  
واشیای چرکلکی علی بن ولینسک دخی اون کون  
حیسلرینه

اورته کویده ساکن بارکیجی طناشک دقتسز لکه  
باردوش ولد بدروسک مجروحینه سببیت وردیکی  
ثابت اولمیشندن بر هفته حیسنه

بکچی ولی اغانک اموال منقوله سنه ایراث خسار  
ایدن علی افندیکنک اون بش لشلک جزای نقدی النسه  
درسعادت وبک اوغلی بدایت محاکمی جزا دائره لرجه  
قرار ویرلمشدر.

## محاکمات انتبائیه

حاجین قضای نای و بدایت محکمه سی رئیس یحیی  
فهی افندی ایله مقالات محرری اسماعیل حق ورفیق  
احمد افندیکنک مغایر قانون معاملاتن جرأته وظیفه  
مأموریتلری سوء استعمال ایلدیکری قوزان سنجانی  
بدایت محکمه سی مدعی عمومی معاونلکجه اجرا  
ایتمیشدن بریطون تحقیقاتی حاوی اوراق مؤداسندن  
اکلاشلدیغندن مقالات محرری مومی ایله ایله رفیق  
حقارنده اصوله توفیقاً تعقیبات قانونیه ایفا اولتق  
اوزره رئیس مومی الیه محاکمه آنته آنته ماذونیت  
ویرلهرک محله تبلیغات لازمه اجرا وطرف سامی  
حضرت مشیختنای یه ده معلومات اعطا ایدلمشدر.

## اعلانات

درسعادت استیناف مدعی عمر میلکسنه :

بیک اوجیوز اون بدی سنه سی شابطنک اونجی کونی  
ساعت بدی راده لرند بوغاز ایچنده قوری چشمه  
فوقده کرج اوچاقلری جوارنده علی اغانک ترلاسی  
داخلنده وقوعبولان منازعه ده قتل قصدیه جفته تفککه  
اسلام نام کسنه یی جرح ایلدیکی ادعاسیله مظنون علیه  
اولوب ایوم حال فرارده بولتان اوزره بولی اسمر  
بکزی یکری بریاشنده ارنیور کویسنده آیاتوفری  
محله سنده برخانه ده اقامت ایدن یونان دولی تبعه سندن  
ومرانغوز اصنافندن لئونیدانک اصول محاکمت جزایه  
قانوننک مواد مخصوصه سی احکامنه توفیقاً جنایت  
محکمه سنده محاکمه سی اجرا قلتمق اوزره قانون  
جزانک یوزسکناشی ماده سی موجب جنایتله اتهامه  
قرار ویرلکندن متهم مرقومک هر زرده کور یلورسه  
طوتیلوب محکمه مذکورده توفیقخانه سنه تسلیمی لازم  
کله چکی بالجه ضابطه عدلیه مأمورلرینک معلومی اولتق  
اوزره اشبو اخذو گرفت مذکور سی درسعادت هیئت  
اتهامیه سندن بالتنظیم اعطا قلندی .

مستأجراً اقامت ایتمکری خانه ده بولتان اشیا یی  
بیتلر یی سیغورطه یه بعدالوضع مذکور خانه یی قصداً  
احراق ایتمکری ادعاسیله متهم بولتان اوزرنجه بولی  
قرال صاجلی قویو الا کوزلی مطروش چکللی اوتوزلش  
یاشلرنده قره طاعلی میلو ایله اوزرنجه بولی ضعیف  
وصاری تربقلی اون بدی یاشلرنده یه قره طاعلی  
قانونرلی یوان حقارنده اصول محاکمت جزایه قانوننک  
اوجیوز یتش برنجی ماده سی موجب معامله مقتضیه  
ایفا و محاکمه غیایه لری بالا اجرا مرقومانک مابه الاتها -  
ملری اولان قصداً حریق فعلنه مجاسرتلری آکلاشلد -  
یغندن قانون جزانک یوز اتمش اونجی ماده سنه  
توفیقاً مؤبداً کورکه قوللرینه و اوتوز برنجی ماده  
قانونیه منطوقجه حقوق مدینه دن اسقاط اولغلرینه  
و ذاتاً جزینه قرار ویرلش اولان ماللرینک اداره  
ایتمیشلر سنه محکمه جنایتدن غیباً حکم اولمش و اصول  
محاکمت جزایه قانوننک اوجیوز یتش بدنجی و اوجیوز  
یتش سکرنجی و اوجیوز سکسان برنجی ماده لرله  
مواد سائر سی احکامنه توفیق معامله اولمشی مرجعه  
بیلدیرلش اولغله اعلان کیفیه ایستار قلندی .

نجات عمر محکمه سنده :

استانبولده کاغد تجارتندن محمد راغب بکک  
۹ مایس سنه ۱۳۱۸ تاریخندن اعتباراً اعلان افلاسنه  
ومصالح افلاسیه نک رؤیت وتسویه سی ضمتنده اعضای

محکمه دن محمد جلال الدین بکک ژور قومیسر ودعوی  
وکیللرندن عاکف بکله ماهر ونشئت افندیکنک موقت  
سندیک تمینلرینه و مغازه سیله اشیا یی زائده بیتیه سنک  
تمهیرنه و اوراق و دفاترینک جنبه و بوبایدکی قرارک  
موقتاً اجراسنه محکمه تجارت بجه جره قرار ویرلش  
اولمیشندن قانوننامه تجارتنک ۱۷۰ نجی ماده سی موجب  
دائمی سندیکر انتخاب اولتق اوزره جز برانک اونجی  
بازار ایرتسی کونی ساعت بش بجق راده لرند اصحاب  
مطلوبک محکمه مذکورده نک افلاس اوطنه سنه کلاری  
اعلان اولتور.

چورلی قضاسنده ساکن مفلس مانیفاطوره یی  
یاشوه لوی ذمتنده آلاجنی اثبات و یا موقتاً قبول وقید  
ایتمیش اولان آلاجلیلرک قانوننامه تجارتنک ایکی  
یوز اون برنجی و آتی ولی ایدن ماده سی موجب  
مفلس مرقوم طرفندن تکلیف اولنه بجق قوتقوردا -  
تونک مذاکره سیچون اشبو ۳۱۸ سنه سی جز برانک  
اوجنجی بازار ایرتسی کونی ساعت بدی راده لرند  
محکمه تجارت بجه نک افلاسه مخصوص اوطنه سنه کلاری  
اعلان اولتور.

درسعادتده مارپوشجیلرده چارشولی خانه  
ساکن مفلس پ.آ.آ. قصایان یزادرلر ذمتنده الهجفی  
اثبات و یا موقتاً قبول وقید ایتمیش اولان  
الاجلیلرک قانوننامه تجارتنک ایکیوز اون برنجی وانی  
ولی ایدن ماده سی موجب مفلس مرقوم طرفندن  
تکلیف اولنه بجق قوتقوردا تونک مذاکره سیچون  
اشبو بیک اوجیوز اون سکر سنه سی جز برانک  
برنجی جمعه ایرتسی کونی ساعت بدی راده لرند  
محکمه تجارت بجه نک افلاس اوطنه سنه کلاری اعلان  
اولتور.

ایکنجی محکمه نمانده :

غلظه ده و بوبوده جاده سنده ۹۹ نومرولو مغازه ده  
تجارت ایدر ایکن ایکنجی محکمه تجارتندن افلاسنه  
حکم اولمش اولان زاق اسکنازینک خصوصات  
افلاسیه سنک رؤیت وتسویه سی ضمتنده دعوی وکیللرندن  
بنیامین فرید افندی اصالة سندیک تعیین قلتمش  
اولمیشندن مفلس مرقوم ذمتنده آله جفی اولتورک  
قانوننامه تجارتنک ۱۹۹ و ۲۰۰ نجی ماده لری موجب  
تحقیق دیون ایچون تاریخ اعلاندن استباراً یکری بر  
کون ظرفنده سندتای محکمه کاتبه تسلیم ایلملری  
ومدت مذکورده ختامندن صکره اوج کونده یعنی اشبو  
بیک اوجیوز اون سکر سنه سی جز برانک اون  
بدنجی بازار ایرتسی اون سکرنجی صالی و اون طقوزنجی  
چهارشنبه کونلرنده ایکنجی محکمه تجارتنک افلاس



اوطه سینه کلرک سندیک افندی مواجهه سنده  
اله جقلری اثبات وقید وتصدیق ایتدیرملری ومدت  
مذکوره ده اثبات وجود ایده میان اله جقلولر حقنده  
قانون مذکورک ۲۱۰ نجی ماده سینه توفیقاً معاملہ  
اوله جنی اعلان اولنور.

زندان قیوسنده یشجیلر ایچنده ساکن ایکن  
ایکنجی محکمه تجارتدن افلاسنه حکم اولنمش اولان  
زیتون یاغی تجارتدن یانی ولاحو وشریک و مخدومی  
قسطنطی ولاحونک خصوصات افلاسیه سنک رؤیت  
وتسویه سی ضمننده اصحاب مطلوبدن استیلانوس  
سورلانغه ایله دعوی وکیللرندن اقتاویوس اورده نو -  
پلوس افندی اصالة سندیک تعیین قلمش اولدقلرندن  
مفلس مرقوم ذمتنده اله جنی اولنلرک قانوننامه  
تجارتک ۱۹۹ و ۲۰۰ نجی ماده لری موجبجه تحقیق  
دیون ایچون تاریخ اعلاندن اعتباراً یکریمی برکون  
ظرفنده سنداتی محکمه کاتبه تسلیم ایلملری ومدت  
مذکوره ختامندن صکره اوچ کونده یعنی اشوبیک  
اوچوز اون سکر سینه سی حزرانک اون ایکنجی  
چهارشنبه واون اوچنجی پنجشنبه کونلرنده ایکنجی محکمه  
تجارتک افلاس اوطه سینه کلرک سندیک افندیلر مواجهه -  
سند اله جقلری اثبات وقید وتصدیق ایتدیرملری  
ومدت مذکوره ده اثبات وجود ایده میان اله جقلولر  
حقنده قانون مذکورک ۲۱۰ نجی ماده سینه توفیقاً معاملہ  
اوله جنی اعلان اولنور.

### محکمہ تجارت اصرار دأرہ سندہ :

ابراہیم ادهم افندیکن آرا کل ذمتنده محکوم به اولان  
اله جقلک تسویہ سیچون مدیون مرقوم آرا کلک فری  
کونینده طوغله خرمتنده موجود و محجوز بولنان  
التش اوچبیک عدد طوغله لرینک اشوبیک کلجک  
حزیران رومینک ایکنجی بازار کونی ساعت درندن  
طقوزہ قدر محل مذکورده مأمور مخصوصی حضورنده  
بالمزایدہ صائبه جغندن اشتراسنه طالب اولنلرک  
ودها زیادہ معلومات المی ایستیانلرک یوم ووقت  
مزبورده مذکور خرمنده حاضر بولنملری محکمه  
تجارت اجرا دأرہ سندن اعلان اولنور .

### اعلامات شرعیہ اصرار دأرہ سندہ :

نظیفہ ودریہ خاتم لک قرغانجی علی اوستہ ذمتنده  
با اعلام شرعی اله جقلری اولان مبالغ معلومه نک  
تأمین استیفاسی ضمننده محجوز ودرسعادت بدایت  
محکمہ سی برنجی حقوق دأرہ سندن ویریلان اعلام  
ایله فروختی محکوم بولنان قبان دقیق جوارنده

عزیزلرده الوان محله سنده واقع مکرر اون بر نومرو  
ایله مرقم ایکی اوطه و برصغیر صفه و او الی و مطبخ  
و بر مقدار ارهلق محلی مشتمل اخشاب بر باب منزلک  
نصف حصه شایعه سی بوندن اقدام مزایدہ قونیله رق  
لیرای عثمانی یوز غروش حسابیلہ بیک التیوز  
غروش بدل ایله طالبی اوزرندہ تقرر ایش اولدیغندن  
یوزده بش ضمیله دها زیادہ طالب اولنلرک اشوب  
تاریخ اعلاندن اعتباراً اوتوز برکون ظرفنده اعلامات  
شرعیہ اجرا دأرہ سینه مراجعت ایلملری اعلان اولنور.

شریفہ خاتمک قضاندن محمد اشرف افندی ذمتنده  
نققدن مترکم با اعلام شرعی اله جنی اولان مبالغ  
معلومه نک تأمین استیفاسی ضمننده مدیون مومی الہک  
عہدہ سنده اولوب محجوز و فروختی بک اوغلی بدایت  
محکمہ سی برنجی حقوق دأرہ سی اعلامیلہ محکوم  
بولنان فری قریہ سنده اشرف افندی زقاغنده واقع  
۷۹ نومرو ایله مرقم عتیق الی ذراع عرضنده  
واوتوز ذراع طولنده برقطعه عرصه نک اشوب تاریخ  
اعلاندن اعتباراً اون بش کون صکره بالمزایدہ فروختنه  
تثبت اولنہ جغندن طالب اولنلرک پی سورمک  
وبوندن زیادہ معلومات المی ایستیانلرک مدت مذکورہ  
ختامندن صکره اعلامات شرعیہ اجرا دأرہ سینه  
مراجعت ایلملری اعلان اولنور .

متوفیان خواجه مصطفی افندی ورقه خاتم نام  
زوجانک مخدومی عباس افندی و کریمہ سی حسنہ  
خاتمک حلواجی اصنافندن متوفی قیوجی اوغلی مصطفی  
اغانک کفیلی احمد اغا ذمتنده قسمت عسکریہ محکمہ  
سندن اعطا اولنان مقتضا اعلامی موجبجه آله -  
جقلری اولان مبالغ معلومه نک تأمین استیفاسی  
ضمننده محجوز و بک اوغلی بدایت محکمہ سی برنجی  
حقوق دأرہ سندن ویریلان اعلام ایله فروختی محکوم  
بولنان قاسم پاشاده غازی حسن پاشا محله سنده قشله بونی  
جاده سنده واقع یکریمی بر نومرو ایله مرقم فوقنده  
بر باب اوطه سی مشتمل کارکیر دکانک تاریخ اعلاندن  
اعتباراً اون بش کون صکره فروخته ثبت اولنہ -  
جغندن طالب اولنلرک پی سورمک وبوندن دها زیادہ  
تفصیلات المی ایستیانلرک مدت مذکورہ ختامندن  
صکره اعلامات شرعیہ اجرا دأرہ سینه مراجعت  
ایلملری اعلان اولنور .

متوفی مصطفی افندی ورثه سنک خدیجہ منیرہ  
خاتم ذمتنده قسمت عسکریہ محکمہ سندن اعطا اولنان  
۱۴ ذی الحجہ سنہ ۱۲۹۹ تاریخی برقطعه مقتضا  
اعلامی موجبجه اله جقلری اولان مبالغ معلومه نک

تأمین استیفاسی ضمننده مرهون و فروختی محکوم  
بولنان چارشوی کیرده بات بازاری زقاغنده واقع  
۸۵ نومرو ایله مرقم بر باب ناتمام دکان دروننده  
موجود کدکک اشوب تاریخ اعلاندن اعتباراً اون بش  
کون صکره فروختنه ثبت اولنہ جغندن طالب  
اولنلرک پی سورمک وبوندن دها زیادہ معلومات  
المی ایستیانلرک مدت مذکورہ ختامندن صکره  
اعلامات شرعیہ اجرا دأرہ سینه مراجعت ایلملری  
اعلان اولنور .

### بکقوز بدایت محکمہ سی اصرار دأرہ سندہ :

غلطه ده ساکن طوغله جی اصنافندن پاریسیخ ایله  
کراسته جی یوانا کینک ایکی قطعه اعلام شرعی موجبجه  
عدلیہ نظارت جاییله سی سجل مدیراسبقی متوفی شوکت  
بک ذمتنده اله جقلری اولان معلوم المقدار مبالغ  
تأمین استیفاسی ضمننده دأن مومی الہما طرفلرندن  
مقدمه حجز آتہ الیرلش ومتوفای مشار الہک  
عہدہ تصرفنده اولوب ورثه سینه انتقالی لازم کلان  
مقری کونینده خسرویه جاده سنده معلوم الحدود ۱۶  
نومرو لی یدیوز آرشون برقطعه عرصه بوندن  
اقدام بالمزایدہ لیرای عثمانی یوز غروش حسابیلہ  
یکرمی ایکیلیک طقوز یوز الی غروشدہ طالبی  
عہدہ سنده تقرر ایدرک موقت قراردادہ سی کشیدہ  
نلمش وتاریخ اعلاندن اعتباراً اوتوز برکونہ قدر یوزده  
بش ضم قبول اولنہ رق و یوم معینده صوک مزایدہ سی  
بالاجرا قرار قطعیسی ویریلرک طالبی عہدہ سینه  
کچورلمی مقرر بولنش اولدیغندن مذکور عرصه یه  
یوزده بش ضمیله طالب اولنلرک بدل مزایدہ نک  
عشرینہ مساوی بی اچہ لرلہ برابر بکقوز بدایت  
محکمہ سی اجرا دأرہ سینه مراجعت ایلملری اعلان اولنور .

### کلیک قضاسی بدایت محکمہ سی مقرور دأرہ سندہ :

کلیک قصبه سنک یکی محله سنده مقیم اسپرولوقه  
طرفندن اقامتکاهی مجهول کلیک قصبه لی متوقا  
پایایانی اوغلی لیغونیدی علیهنده اقامه ایش اولدیغی  
تصرف املاک دعواسنک سبق ایدن محاکمہ غیایه سنده  
مدعا به دوت بانچہ سنی غائب مرقومدن تفرغ ایلدیکی  
تحقق ایتسنه مبنی تصدیق بیعه وتصرفه ویریلان  
قرار واعلام محله سی مختارینہ تبلیغ و برصورتی محکمہ  
دیوانخانہ سینه ربط وتعلیق اولدیغی کی اصول محاکمہ  
حقوقیه قانوننک یوز قرق طقوزنجی ماده سی موجبجه  
غزته ایله ده اعلان اولنور .